



Inatsisartunut ilaasortat
Justus Hansen aamma Randi Vestergaard Evaldsen, Demokraatit

**Inuussutissarsiornermut, Suliffeqarnermut, Niuernermut,
Nukissiuuteqarnermut Nunanullu Allanut Naalakkersuisup
oqaaseqaatai pillugit § 37 naapertorlugu apeqquteqaammut nr. 2016-
271-imut akissuteqat.**

22-12-2016
Sags nr.2016-19858
Dok. nr. 4221551

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasakka Justus Hansen aamma Randi Vestergaard Evaldsen,

Inatsisartut Suleriaasianni § 37 naapertorlugu Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup oqaaseqaatai pillugit apeqquteqaateqarput. Apeqquteqaatersi uannut akisassanngorlugu innersuunneqarpoq.

Tulliuttuni akissuteqaatit apeqqutit tulleriinneri malillugit allassimapput. Ataani atsiortumit allaanerusut ilassutaat akissuteqaammi tunngavigineqarsimappat, tamanna allassimasassaaq.

1. Nunanut allanut Naalakkersuisoq Politikenimut oqarpoq, Danmark NATO-mut ilaasortaanerminut akiliutiminit akikillisaavigineqartartoq toqqaannartumik Thule Air Base pissutaalluni. Naalakkersuisut qinnuigineqarput taamatut oqarnermut uppernarsaatinik saqqummiusseqqullugit ilanngullugu akikillisaavigineqartarneq qanoq annertutiginersoq.

Apeqqummut akissutitut Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup paasissutissiissutigaa, Politiken-imut ilanngutassamik apersuinermi taaneqartumi oqarsimalluni:

”Oqaluttuarisaaneq aammalu pissutsit ingerlasimanerat isummorsorfigisariaqarpat. Illersornissamut isumaqatigiissut qanga atsiorneqarpa? Tamanna Sorsunnersuit aappaanni 1941-imi pivoq, aammalu isumaqatigiissut 1951-imi NATO-p pilersinneqareernerata kingorna nutarterneqarpoq. Ilisimasakka malillugit USA-p nassuerutigaa, tamatumali kingorna Kalaallit Nunaata illersornissaanut atortussatigut Danmarkimut annertuumik kivitsisoqarsimasoq, taamaattumik oqarsinnaanngilatit kivitsineq annertoorujussuaq ilisimasaqarfiginngikkippat – umiarsuarnik pisineq, timmisartortartut ilinniartitaanerat, Kalaallit Nunaanni

illersuinissamut amerikamiut atortui. Pisinnaasaqarnerit pigineqartut oqaluuserigaanni, Kalaallit Nunaat pissutigalugu taakkua pigineqalerput. Soormiuna tamanna Kalaallit Nunaannut iluaqutaanerunngitsaq? Illersornissamut isumaqatigiissutit nutarterneqarnissaa sioqqullugu pisimasut tappiiffiginngilagut. Aningaasat oqaluuserineqartillugit eqqaamaneqassaaq Danmark NATO-mi ilaasortaanermini annertoorejussuarmik akikillisaavigineqarsimammat, tamanna aamma ullumikkut ilanngullugu isiginiarneqassaaq. Oqaluttuarisaanikkut oqimaaqatigiissitsineq nalimmassarneqartussaavoq.”

Taamaalilluni oqaatigineqanngilaq Danmark Pituffimmi Sakkutooqarfiup toqqaannartumik malitsigisaanik NATO-mi ilaasortaanerminut akikillisaavigineqarsimasoq.

Tamatumunnga tunngatillugu paasissutissiissutigineqassaaq NATO-mi naalagaaffiit ilaasortaat aalajangersimammata NATO-mi naalagaaffiit ilaasortaat tamarmik immikkut ukiumut naalagaaffiup ilaasortaat ilanngaasiinnginnermi nunami namminermit tunisassiornerata 2 %-iata annertoqqataanik illersornissamut aningaasartuutitut ukiumut akiliuteqartassasut. ”Danmark NATO-mut ilaasortaanerminut akiliutiminit akikillisaavigineqartartoq toqqaannartumik Thule Air Base pissutaalluni.” uppernarsaatissaqarnerisooq Naalakkersuisut ilisimangilaat

Nunat ataasiakkaat illersornissamut aningaasartuutaat pillugit paasissutissat tamanit pissarsiarineqarsinnaapput, ilatigut Stockholm International Peace Research Institute-p nittartagaani: <https://www.sipri.org/databases/milex>.

Nutaarsiassaqaartitsivimmit Bloomberg-imit ilanngutassiami 22. november 2016 ullulernerqartumi (<http://www.bloombergquint.com/pursuits/2016/11/20/trump-s-nato-spending-demand-would-break-denmark-s-welfare-state>), Nordea Bank-imi aningaaserisut pisortaat missiliuivoq, Danmark ullumikkut ukiumut ilanngaasiinnginnermi nunami namminermit tunisassiornerata 2 %-iatut annertussusilimmik illersornissamut aningaasartuutit akiliisarnissamik pisussaaffeqarnerminik naammassinnittussaassappat, Danmarkip illersornissamut aningaasartuutitut 15 milliarder DKK sulit allat atortariaqassagai.

Apeqquteqaammut akissutitut allanik oqaatigisassaqaanngilanga. Apeqqummut apersuinerup nalaani oqaatigineqartunik aviisiliortumit nassuiaaneq tunngavigineqartoq ilimagineqarpoq.

2. Nunanut allanut Naalakkersuisooq Politikimi siuarasaarivoq Kalaallit Nunaat Naalagaaffeqatigiinnit anisinniarlugu. Naalakkersuisut ilisimanerlugu Namminersorneq pillugu inatsimmi § 21 imm. 1-mi

allassimasoq, tassani atuarneqarsinnaammat "Kalaallit Nunaata namminiilivinnissaanik aalajangerneq inuiaat kalaallit aalajangernerannik tunngaveqassaaq", aamma Naalakkersuisut isumaat naapertorlugu Namminersorneq pillugu Inatsimmi paragrafi taanna qanoq ililluni Nunanut Allanut Naalakkersuisup siorasaarutaanut attuumassuteqarpa?

Oqaatigisinnaavara Naalakkersuisut soorunami Namminersornermut inatsimmi aalajangersakkat ilisimaarigaat, ilanngullugu § 21-imi aalajangersagaq Kalaallit Nunaata namminiilivinnissamik periarfissaqarneranut tunngasoq.

Naalakkersuisut aamma danskit naalakkersuisuisa akornanni isumaqatigiinnginnermut ataatsimut arlalinnulluunniit akissutissatut, naalagaaffeqatigiinnermit aninissaq Naalakkersuisuni oqaluuserineqarsimanngilaq akuerineqarsimananilu. Tamatuma pinissaa aamma naatsorsuutigingilara.

Qulequttani arlalinni nunanut allanut sillimaniarnermullu politikkimut attuumassuteqartuni danskit naalakkersuisuisa aamma Naalakkersuisut akornanni suleqatigiinnerup pakatsiffigineqarneranut takussutissatut oqaaseqaatit taaneqartut isigaakka, tassani Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup Naalakkersuisunik suleqateqarneq, danskit tungaanniit misigineqartunit allaanerusumik aallaaveqarfigineqassasoq kissaatigalugu.

Allamut atatillugu oqaatigisimavara Naalakkersuisut sulineranni tunngaviusoq pingaaruteqartoq tassaasoq, nunarsuarmi attaveqarfigisartakkatsinnut suleqatigisartakkatsinnullu naligiimmik suleqatigiinneq aallaavigissagipput. Tamanna aamma Naalakkersuisut aamma danskit naalakkersuisuisa imminnut attavigisarnerannut atuuppoq.

Aalajangersimasunik pisoqartarpoq Naalakkersuisut isumaqarlutik danskit naalakkersuisui aamma ministerit ataasiakkaat suliassaq imaluunniit pisoq aalajangersimasoq allaanerusumik iliuuseqarfigisariaqaraluaaraat aammalu kissaatigisavut isummagullu malunnartinnissaat pisariaqartarluni. Aammalu pisoqartarpoq isumaqatigiinnissaq anguniapiloorneqarluni.

Kisiannili naligiimmik ataqpeqatigiittumillu suleqatigiinnissamik ujartuinerput attatiinnaratsigu tamatumani allanngortinneqanngilaq aammalu allatigut danskit naalakkersuisuisa ministeriisa aamma Naalakkersuisunut ilaasortat akornanni ataatsimeeqatigiittarnivut aaqqiagiinngissutaasunik, suleqatigiinnermi pinngitsooratik pilertartussanik, iluarsiinissamut atortarpavut, taakkunani qulequttat soqutigisallu amerlasuut ataatsimoorfigisarlutigu.

Oqaaseqaatit taaneqartut taakkua, Namminersornermut inatsimmi aalajangersakkat akimorlugit, Kalaallit Nunaata naalagaaffeqatigiinnermit aninissaanik sioorasaarinertut isiginngilakka.

Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup taamaaqataanik paasissutissiissutigaa,

apersuinermi oqaatigineqartumi tassani Kalaallit Nunaat
naalagaaffeqatigiinnermit anissallugu sioorasaarisimalluni isumaqarani.

3. Nunanut allanut Naalakkersuisoq Politikkenimi siorasaarivoq USA Thule Air Basemiit anisinniarlugu. Tamatumap siorasaarinerup pivisunngortinnissaa qanoq pissanersoq Naalakkersuisut takorloorpaat?

USA Pituffimmit (Thule Air Base) anisinneqassasoq Naalakkersuisuni oqallisigineqarsimanngilaq akuerineqarsimananilu.

Inatsisartut isumaqatigiitut ukiaq manna Naalakkersuisut aalajangiiffigisassatut siunnersuutaat akuerimmassuk Naalakkersuisuni naammagisimaartorujussuusimavarput ”... Kalaallit Nunaata inuiaqatigiillu kalaallit amerikamiut Kalaallit Nunaanni sakkutooqarnerat annertunerpaamik pissarsiaqaatigalugulu iluaqutigisinnaanera qulakkeerniarlugu ataatsimoorussamik danskit/kalaallillu USA-mik isumaqatiginninniarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut. Naalakkersuisut Illersornissamut Isumaqatigiissut 1951-imeersoq tamatumalu kingorna tapiliunneqartut naapertorlugit USA-p Nunatsinni suliaqartarnerini nunatsinnut erseqqissunik iluaqutaanissaa suli sulissutigissavaat , tassunga ilanngullugu amerikamiut sakkutooqarfikui sanaartukkallu allat qimaannarneqarnikut pillugit avatangiisitigut akisussaaffiup paatsuugassaannigsumik inissinneqarnissaa, pisariaqarpallu tapiliussamik nutaamik isumaqatigiinninniarnermik imaluunniit Illersornissamut Isumaqatigiissutip 1951-imeersup isumaqatiginninniutigineqaqqinnissaanik piumasaqaateqarlutik.”

Naatsorsuutigaara Naalakkersuisut siunnerfiit Inatsisartut aalajangiineranni allassimasut malersussagaat, ilanngullugu sulineq naligiimmik suleqatigiinnissamut killissaliussat iluanni aammalu suleqataasut akuutinneqartut akornanni isumaqatiginninniarnertit aallaavigalugit ingerlanneqassasoq.

Peqatigisaanik allanneqartariaqarpoq, Naalakkersuisut aalajangiiffigisassaattut siunnersuutaannut oqaaseqaatini aamma allassimasutut, Inatsisartut Nunanut allanut Sillimaniarnermullu Ataatsimiititaliaat ukioq manna ulloq 6. september amerikamiut sakkutooqarfiisa Kalaallit Nunaanniinnerat pillugu ataatsimoorussamik oqaaseqaateqarsimammat (takuuk <http://www.inatsisartut.gl/inatsisartut/nyheder/?year=2016&id=35976>).

Ataatsimoorluni oqaaseqaammi ilaatigut allassimavoq ”... Nunanut Allanut Sillimaniarnermullu Ataatsimiititaliaq Nunanut Allanut Naalakkersuisoq peqatigalugu amerikamiut nunatsinni sakkutooqarfeqarneranni sapinngisamik annertunerpaamik nunatsinnut inuiaqatigiinnullu iluanaarutaanissaa iluaqutaanissaalu qulakkeerniarlugu ilungersorluni sulivoq, apeqqutaatinnagu tamanna Illersornissamut isumaqatigiissut 1951-meersoq tamatumalu kingorna tapiliussat aqqutigalugit pissanersoq imaluunniit isumaqatigiissut tamarmi isumaqatiginniutigineqaqqinneqassanersoq.”

Oqaaseqaat taanna aallaavigalugu aalajangiiffigisassatut siunnersuummut

akuerineqartumut oqaaseqaatini allassimavoq, aalajangiiffigisassatut siunnersuutip akuerineqarnissaanut Inatsisartuni atituumik tapersersorneqarnissaq siunnersuummi siunertaasoq, tassani tikkuarneqarluni aningaasaqarnermut tunngasortai annertuutigut Kalaallit Nunaanniitinneqassanngippata, amerikamiut sakkutooqarfiisa Kalaallit Nunaanniiginnarissaat kissaatigineqanngitsoq; Kalaallit Nunaanni amerikamiut sakkutooqarfigisimasaannik tamaginnik paasinarsisitsisoqassasoq saliisoqassasorlu USA-mut aamma Danmarkimut piumasaqaatigineqassasoq, ilanngullugu aamma Pituffimmi Sakkutooqarfik siunissami matuneqassagaluarpat; kiisalu Pituffimmi Sakkutooqarfik siunissami matussagaluarpat avatangiisinut akisussaaffik pillugu USA-mut aamma Danmarkimut isumaqatiginninniarnit aallartinnissaat qulakkeerniarlugu Kalaallit Nunaat sulissutiginnittariaqartoq.

Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup paasissutissiisutigaa, apersuinermit taaneqartumi tassani Pituffimmi Sakkutooqarfimmit USA anisinniarlugu siorasaarisimalluni isumaqarani.

Inatsisartut illersornissamut isumaqatigiissut isumaqatiginninniutigeqqinneqassasoq piumasarimmassuk, tassani siorasaarisoqavinnersoq pillugu apeqqummut tunngatillugu, Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisoq akisimalluni paasissutissiivoq: "Tamanna siorasaarinerunngilaq, kisianni nassuerutiginninneruvoq. Mingutsitsisoq nammineerluni saliissasoq, aammalu sakkutooqarfiup nunatsinniinnera Kalaallit Nunaannut iluanaaruteqartitsissasoq, kissaatigaarput."

Namminersorlutik Oqartussat iumasaqaataat Namminersorlutik Oqartussanut naammassineqanngippata, Namminersorlutik Oqartussat pisumi tassani qanoq iliorsinnaanersut tamatuma kingorna apeqqummut, Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisoq akisimalluni paasissutissiivoq: "Amerikamiut Kalaallit Nunaanniinnerat tassunga killeqassasoq uanga nammineerlunga oqaatigisinnaanngilara. Tamaanga suli killinngilluinnarpugut. Kisianni taanna periarfissatut ilusiliani ajornerpaavoq tikinneqarsinnaasoq: Kalaallit Nunaata piumasaqaataasa akuersaarneqarnissaat anguneqanngippat, amerikamiut anisittariaqalissagivu, t periarfissatut ilusiliani ajornerpaavoq."

Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup akissutaani oqaatsit atorneqartut aalajangersimasut isummerfiginngikkaluarlugit, isumaqarpunga Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup akissuteqaammini sunniutaasussanik nalilersuineq nassuiaraa, taannalu isumaqatiginninniarnit inernissaat pillugu politikikkikut kissaatigineqartunut oqariartuutaanngilaq. Tamamunnga taarsiullugu Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup isumaqatiginninniarnit inernissaannut eqqrsaatigineqarsinnaasut ajornerpaannut

periarfissaasinnaasoq nassuiarpaa.

Naalakkersuisut aalajangiiffigisassaattut siunnersuutaata Inatsisartuni suliarineqarnera aallaavigalugu isumaqanngilanga Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq taamaalilluni amerikamiut sakkutooqarfiisa Kalaallit Nunaanniinnerat pillugu Naalakkersuisunit aalajangiiffigisassatut siunnersuummut Inatsisartut tapersiinerannut tunngaviusunut akерliusumik oqaaseqarsimasoq.

4. Nunanut Allanut Naalakkersuisoq Nunatsiaq News naapertorlugu oqarpoq uuliasiornermut gasisiornermullu ICC itsarnitsamik isiginneriaaseqartoq aamma kattuffiup iliuusaa Kalaallit Nunaata soqutigisaanut tulluannigtsut. Naalakkersuisut isumaqatigiillutik ICC-p isornartorsiuineranut taamatut isummerpat?

Apeqqummut taaneqartumut tunngatillugu imaluunniit kattuffiup suliaqarneranut allanut tunngatillugu ICC-mut tunngatillugu immikkut isummersorneq Naalakkersuisuni oqaluuserineqarsimanngilaq akuerineqarsimananilu. Naalakkersuisut namminersortutut naalakkersuisut kattuffiginngisaattut isigalugu, Namminersorlutik Oqartussat ICC-p ingerlatsinera ataqqigaat aallaavigalugu, ICC-imut isummersortarput.

Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup paasissutissiivoq ulloq 12. december 2016 Arctic Circle Quebec Forum-imi oqalugiarsimalluni. Oqalugiaat tamanut saqqummersinneqarpoq Naalakkersuisut nittartagaanni www.naalakkersuisut.gl. tassunga atatillugu paasissutissiivoq, ataatsimeersuarnermi ICC pillugu oqalugiaammi allassimasut saniatigut allanik oqaaseqaateqarsimanani.

ICC uuliasiornermut gasisiornermullu itsarnitsamik isiginneriaaseqartoq ataatsimeersuarnermut imaluunniit aviisiliortumut oqarsimanerarneqarnini Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisup ilumuunnginnerarpaa. Taamatuttaaq ICC Kalaallit Nunaata soqutigisaannut naapertuuttumik iliuuseqanngitsoq oqarsimanerarneqarnini ilumuunnginnerarpaa.

Tamanna tunngavigalugu apeqqummut allassimasumut tassunga allanik oqaaseqaatissaqanngilanga.

5. Nunatsiaq News naapertorlugu Nunanut Allanut Naalakkersuisoq oqarpoq USA-p præsidentissaatut Donald Trumpip qinigaanera Kalaallit Nunaata naalagaaffinngornissaata uuliasiornermik gasisiornermillu akilersorneqarnissaanut tapersiinerusoq. Naalakkersuisut taamatut oqarnerminnut suna tunngavigaat aamma Naalakkersuisut ilumoorlutik isumaqarpat maannakkut uuliap akia naapertorlugu kalaallit naalagaaffeqalernissaata taamatut akilersornissaa piviusorsiorortoq? Tamatuma saniatigut Naalakkersuisut qinnuigineqarput isummerfigeqqullugu sooq Kalaallit Nunaanni uuliasiorneq gasisornerlu

**aallartinneqarsimannginnersut sulii, isumaqartoqarpassimmat siunissami
naalagaaffinnngornissarput taamatut akilersussagipput.**

Matuma siuliani taaneqartut Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup Arctic Circle Quebec Forum-imi oqalugiaataa innersuussutigineqarpoq. Tassunga atatillugu paasissutissiivoq, ataatsimeersuarnerup nalaani præsidentimik qinersineq aamma USA-mi naalakkersuisunngortitsineq pillugit oqalugiaammi allassimasut saniatigut oqaaseqaateqarsimanani.

Tamanna tunngavigalugu Inuussutissarsiornermut, Suliffeqarnermut, Niuernermit, Nukissiuuteqarnermut Nunanullu Allanut Naalakkersuisup oqaatigaa, apeqqummi allassimasutut, uuliasiorneq gassisiornerlu aqqutigalugu nunatta arlaannaannulluunniit attuumassuteqarunnaarnissaata aningaasalersorneqarnissaanik Kalaallit Nunaata kissaateqarnera, Donald Trump-
ip USA-mi præsidentitut qinerneqarnerani tapersersorneqassasoq, oqaaseqarsimanani.

Kalaallit Nunaata arlaannaannulluunniit attuumassuteqarunnaarnissaa uuliasiornekkut gassisiornekkullu aningaasalersorneqarsinnaasoq Naalakkersuisut oqaatigisimannngilaat.

Apeqqummi aamma Kalaallit Nunaanni uuliamik gassimillu tunisassiortoqalereersimannginnersoq, Naalakkersuisut isummeqquneqarlutik qinnuigineqarput.

Tamatumunnga tunngatillugu oqaatigisinnaavara, ikummatissiassanut suliaasqarfimmi ingerlatat annertussusaat ilaatigut Kalaallit Nunaanni aatsitassarsiorluni ingerlataqarneq pillugu Inatsisartunut nassuiaammi, nassuiarneqarmat (nassuiaat Naalakkersuisut nittartagaanni takuneqarsinnaavoq uani

<http://naalakkersuisut.gl/~media/Nanoq/Files/Publications/Raastof/DK/Annual%20report%202014.pdf>) aammalu Aatsitassanut Ikummatissanullu Aqutsisoqarfiup 2016-imi Kalaallit Nunaanni aatsitassarsiorluni misissuinerneq ingerlataqarnerit pillugu atuagaaraliaani (atuagaaraq Naalakkersuisut nittartagaanni takuneqarsinnaavoq uani <http://naalakkersuisut.gl/~media/Nanoq/Files/Publications/Raastof/DK/Piece%200om%20mineral%20og%20oliefterforskningsaktiviteter%202016%20DK.pdf>).

Apeqqummut allanik oqaaseqaatissaqanngilanga.

6. Naalakkersuisut pilersaaruteqarnerlutik Nunanut Allanut Naalakkersuisup Arctic Circle Forumimi Quebecimi ingerlanneqartumi oqalugiaataata tamakkerlugu saqqummiunnissaanut aamma taanna Nunatsiaq Newsimit issualattaaneqarluarmat? Taamaanngippat Naalakkersuisut qinnuigineqarput tunngavilersoqqullugu, sooq tamanut takusassiarineqassannginnersoq Nunanut Allanut Naalakkersuisup qanorpiaq oqarsimanera.

Apeqqummut 4-imut akissuteqaammi oqaatigineqartutut oqalugiaat taaneqartoq Naalakkersuisut nittartagaanni tamanut saqqummersinneqarpoq www.naalakkersuisut.gl.

7. Nunanut Allanut Naalakkersuisup sakkortuumik oqaaseqarnermigut Kalaallit Nunaata sualummik USAmut Danmarkimillu suleqateqarnera annertuumik qularnarsisippaa. Naalakkersuisut tamarmiullutik isummersuutitut tunuliaqutaappat? Taamaanngippat paaserusunnarpoq Nunanut Allanut Naalakkersuisumut oqaaserineqartut qanoq kinguneqartinneqassanersut.

Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu Allanut Naalakkersuisoq qanoq oqarsimanersoq kiisalu ilaatigut amerikamiut sakkutooqarfiisa Kalaallit Nunaanniinnerat pillugu oqaaseqaatitut tunngaviusut aammalu Naalakkersuisut aamma danskit naalakkersuisuisa akornanni suliassaqarfinni aalajangersimasuni suleqatigiiffeqarnerat, apeqqutitut siulianiittunut akissuteqaatini takuneqarsinnaapput.

Aammattaaq apeqqutitut siulianiittunut akissuteqaammi allassimavoq, avatangiisitsinnut suleqatitsinnullu attaveqarnitsinni naligiimmik ataqteqatigiittumillu suleqatigiinnissaq aallaavigissagipput, Naalakkersuisut sulineranni tunngaviusuni pingaaruteqartoq. Tamanna aamma Naalakkersuisut aamma danskit naalakkersuisuisa imminnut attaveqatigiinnerannut atuuppoq. danskit naalakkersuisuisa ministeriisa aamma Naalakkersuisunut ilaasortat akornanni ataatsimeeqatigiittarnivut aaqqiagiinnigissutaasunik, suleqatigiinnermi pinngitsooratik pilertartussanik, iluarsinissamut atortariaqarpavut, taakkunani qulequttat soqutigisallu amerlasuut ataatsimoorfigisaratsigit.

Naggasiutigalugu oqaatigissavara Naalakkersuisut katitigaanerat aammalu Naalakkersuisut akisussaaffeqarfiisa agguagaanerat pillugit apeqqutit, apeqqutitut qaqinneqartunut akissuteqaatinni ilanngunniisaannut tunngavissaqartoq isumaqannginnama.

Apeqqummut allanik oqaatigisassaqaanngilanga.

Inussiarnersumik inuulluaqqusillunga



Kim Kielsen